

## 5. gr.

Fari svo að einhver af hinum sérstöku trúnaðarmönnum sjóðsins skyldi einhverntíma neita að taka að sér starfið, eða verða ófær til þess, þer honum að útnefna annan mann, er hann telur hæfan, sem sérstakan trúnaðarmann, og skal þá sá maður hafa sama vald og skyldur, er fylgir með starfinu, meðan hann gegnir því. Þegar sá maður hættir eða fellur frá, tilnefnir landlæknir á sama hátt annan í hans stað, geti landlæknir þá ekki sjálfur gegnt starfinu, og þannig skal þessu hagað ávallt framvegis.

37

28. jan.

## 6. gr.

Reikningur sjóðsins skal árlega gerður og þar skýrt frá, hver sé handhafi farandbikarsins það ár og hver eða hverjir hafi hlotið verðlaun úr sjóðnum það ár, og fyrir hvað þau hafi verið veitt.

## 7. gr.

Reikningar sjóðsins skulu birtir í Lögbirtingablaðinu.

## 8. gr.

Leita skal staðfestingar forseta Íslands á skipulagsskrá þessari.

F. Kristjánsson.

A. Kristjánsson.

Winnipeg, 26. nóvember 1952.

F. h. skiptaforstjóranna í dánarbúi Aðalsteins Kristjánssonar.

Staðfesting forsetans á skipulagsskrá fyrir „Minningarsjóð Ragnheiðar Kjart- 38  
ansdóttur frá Hruna“, útgefin á venjulegan hátt ad mandatum af dómsmálaráð- 30. jan.  
herra 30. janúar 1953.

Skipulagsskráin er þannig:

## SKIPULAGSSKRÁ

fyrir Minningarsjóð Ragnheiðar Kjartansdóttur frá Hruna.

## 1. gr.

Sjóðurinn heitir Minningarsjóður Ragnheiðar Kjartansdóttur frá Hruna. Hann er stofnaður 23. maí 1952 af bekkjarsystkinum hennar í Kennaraskólanum frá árunum 1925 til 1927.

Stofnfé sjóðsins er 7000 — sjö þúsund — krónur.

## 2. gr.

Tilgangur sjóðsins er að styrkja kennara til náms í blindrakennslu. Styrkurinn veitist eftir umsókn, og aðeins þeim, sem lokið hefur kennaraprófi frá Kennaraskóla Íslands.

## 3. gr.

Stjórn sjóðsins skipa 3 menn: 1) skólastjóri Kennaraskóla Íslands, og er hann formaður stjórnarinnar, 2) fræðslumálastjóri, 3) fulltrúi úr hópi stofnenda, svo lengi sem þeirra nýtur við, en eftir þeirra dag fulltrúi úr hópi Nemendasambands Kennaraskólans, kosinn af því til 5 ára í senn.

38

30. jan.

Sjóðurinn eflist með vöxtum, frjálsum framlögum, minnngargjöfum, áheimum og á hvern annan hátt, sem stjórn hans þykir henta.

5. gr.

Höfuðstól sjóðsins skal ávaxta í Söfnunarsjóði Íslands. Reikningsár hans er almanaksár, og skal reikningur hans birtur í B-deild Stjórnartíðinda.

6. gr.

Stjórn sjóðsins sér um ávöxtun á fé hans og úthlutun styrks úr honum. Skal í febrúarmánuði það ár, sem styrk skal veita, auglýsa hann til umsóknar í Menntamálum eða hverju því málagnu, sem Samband íslenskra barnakennara gefur út, svo og í Kennaraskólanum og málagnu Nemendasambands Kennaraskólans, ef út er gefið. Umsóknarfrestur skal vera til 10. apríl. Skal stjórnin svara umsóknum fyrir lok maímánaðar.

7. gr.

Stjórnin heldur fund í maímánuði ár hvert og oft, ef þurfa þykir. Skal hún færa fundargerðir í sérstaka bók, og öll stjórnin undirrita.

8. gr.

Þegar sjóðurinn er orðinn kr. 12 500.00 má í fyrsta skipti veita styrk úr honum. Má sá styrkur nema allt að þeirri upphæð, sem þá við áramót hefur verið umfram kr. 10 000.00. Eftir það skal jafnan leggja helming ársvaxta við höfuðstólinn, en helming vaxta, ásamt öðrum tekjum sjóðsins má stjórnin úthluta, ef hún telur ástæðu til. Þegar ekki er árlega veittur styrkur úr sjóðnum, skal geyma það fé til úthlutunar síðar, þegar stjórninni þykir henta.

9. gr.

Stofnskrá þessari má því aðeins breyta, að stjórn sjóðsins telji það óhjákvæmilegt. Og skal það þá aðeins gert með samþykki menntamálaráðuneytisins. Þó má aldrei víkja frá tilgangi sjóðsins (sjá 2. gr.).

10. gr.

Leita skal staðfestingar forseta Íslands á skipulagsskrá þessari, og skal hún birt í B-deild Stjórnartíðinda.

39

17. febr.

## ÚTHLUTUNARREGLUR STEFS

### — Sambands tónskálda og eigenda flutningsréttar — um úthlutun á tekjum af flutningi tónverka.

#### A. Almennar reglur.

1. Gjöld þau, er félaginu samkvæmt lögum sínum og félagsmanna- og umboðssamningum ber að greiða tónskáldi, útsetjara tónverks, höfundu texta við tónverk og tónverksútgefanda (þar sem í reglum þessum er getið um útgefanda, er átt við forleggjara eða útgáfufirma) fyrir flutning tónverks, þ. e. söng eða leik tónverks utan leiksýninga, leikrita eða leikverka (óperur, óperettur, pantómímur, ballett), skiptast eftir þeim reglum, sem hér fara á eftir.
2. Stjórnin getur ákveðið að greiða flutningsgjald fyrir eitt og sama verk aðeins einu tónskáldi, einum útsetjara, einum textahöfundu og einum útgefanda.